



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1606. usque ad annum 1610

Fleury, Claude

August. Vind. [u.a.], 1776

VD18 90118820

§. 65. Alia Scripta Romæ proscripta.

[urn:nbn:de:hbz:466:1-67222](https://nbn-resolving.org/urn:nbn:de:hbz:466:1-67222)

Sæc. XVII. Historiam deprædicarent, imo ipse etiam Perronius, Aquaviva, Viscontius, Sfortia aliique eruditissimi Cardinales in suis ad Thuanum epistolis hujus Historici Annales commendabant: Scripserat quoque idem Perronius ad Thuanum, quod Paulus V. hujus Historie proscriptionem sollicitantibus responderit, *caverent, ne ipsis exprobretur, quod operis præstantiam & piam Authoris intentionem non introspexerint.* Præterea illum magni faciunt Acatholici, mutua fricatione vices eidem reddentes; ex quibus Langletus ipsum deprædicat tanquam sincerissimum, & ex Scriptoribus Sæculi XVI. exactissimum, qui tantum supra vulgus Historicorum fide, judicio, probitate & moderatione eminent, quantum genere & sanguine officique auctoritate plebem promiscuam superaverat. Merito tamen carpendus videtur quod nimia libertate usus sit, ac potissima ex Acatholicis, quibus ejus Historia ex integro probatur, relictis Catholicis Scriptoribus deflorarit, inque vertendis nominibus propriis nimium exactus obscuram reddiderit Historiam suam. Ita nempe ad genium Lectoris habent sua fata libelli.

*Rigault cont.
Thuan. l. 2.
pag. 266.*

§. LXV.

Alia Scripta Romæ proscripta.

Eadem

Eadem censura pariter involvebatur Sæc. XVII.
 libellus quidam, cui titulus *Are-* A. C. 1609.
stum contra Joannem Castellum Scholasti-
cum, seu sententia Parisiensis Curia ad- Rigault. l. c.
 versus hunc Regicidam: Iniquo enim Alegambe
 tum animo ferebant Censores Romani, Bibl. Script.
 quod Parisiensis Senatus opinionem Soc.
 Joannis Castelli damnarit, afferentis,
 quod *Henricus Franciæ Rex*, etsi ab Epi-
 scopis *Ecclesiæ reconciliatus suam hæresin*
ejurasset, vere tamen *Ecclesiæ conjunctus*
dici nequeat, usque dum a summo Pontifice
 absolutus fuerit. Anno tamen sequenti
 Rege penitus in Sedis Apostolicæ gra-
 tiam recepto iidem Censores novum In-
 dicem typis edi curarunt, in quo cen-
 sura adversus hunc libellum supprime-
 batur. Eodem anno *Lectio tractatum*
septem Joannis Marianæ e Societate Jesu
 urgente Philippi III. Catholici Regis
 Oratore a Paulo V. suspensa fuit: De
 causis vero hujus censuræ varium est
 Scriptorum judicium; referunt enim
 nonnulli, quod Mariana in tractatu *de*
Monetæ mutatione, cum acrius corrup-
 telam sui temporis perstrinxisset, hanc
 procellam in se concitarit: alii censent,
 quod in tractatu *de immortalitate Socie-*
tatis, cui addictus erat, sententiam ad-
 versus FF. Prædicatorum doctrinam
 circa gratiæ efficaciam immoderatus
 propugnarit, cum tamen hujus litis

Sæc. XVII. controversiam post Apostolicum suspensionis decretum refricare, inhibita fuisse: Denique addunt alii, veram hujus censuræ causam extitisse, quod hic Author Sanctum Jacobum Majorem in Hispaniam venisse propugnarit, adversus opinionem Cardinalis Baronii: id vero minus probabile videtur; hujus enim Cardinalis judicio adversari, nunquam piaculum fuit. Eodem hoc anno Romæ damnata est *querela seu actio Antonii Arnaldi contra Jesuitas.*

§. LXVI.

Parisiensis Facultatis Theologicæ oppositio contra Jesuitarum Scholas.

*Argentre
collect. Jud.
tom. 2.*

Enimvero Henricus IV. Galliarum Rex Societatis Patribus Scholas suas aperiri facultatem concesserat: nihilominus Parisiensis Senatus Regias hæc literas fraudulenter fuisse ab ipsis extortas autumans, eas ad acta referre negabat: Insuper urgente Edmundo Richerio Facultatis Theologicæ Syndico die septima Novembris habito conventu omnes Doctores decreverunt, quod Cathedralæ Theologicæ, quam Jesuitæ contra omnia Academiæ statuta nuper a Rege impetraverant, & suæ Societati privatim addici curarunt, totis viribus sefe